

兩浙名賢錄

南唐名賢錄卷十目次

獨行

明

鄭好義士利

樵雲王尹成毓

御史余公文郁

梅景和熙

殷原善

兄近仁附

海州同知許國器懋

宋味古

劉閱畊均美

婿張景附

汪慶衍灌

阿寄

王叔豐稔

周彥華子輝

妻俞氏子孟曉附

翰林檢討秦性初初

吉安通判吳源潔潭

陸賢良宗秀

子圭獻
瑜瑾附

錢清舟人丁能

袁仲仁大珍

包侍郎懷德

陸國平平

教諭戴育之檣

高叔胥宗浙

吳淵周
輔附

古直王仁輔佐

聞廷實璋

子元
璧附

劉敬先儼

奉化王汝林

尚義仇必顯

楊允恭欽

刑部主事何瞻

李貴

劉景儀鳳

徐蒙六

孝廉張朝貢璫

夏叔恢

解元盧中夫楷

陸本深源

俞統

古人趙廷時元銘

夏世康安

教授周良佐相

周舜龍廷澤

子禎初
祚禕附

張守度尺

鄭飲賓修

徐望之文彪

二子徐子
元躬禮附

夏雷

子日
葵附

周繼實夢秀

給諫周孟登崑

陸忠順美

鎮江通判陶公重廷錦

施濟

成義士譜

龍江驛丞杜守經常

庖人吳三五

文學吳子匡元良

趙宗良祖騶

兩浙名賢錄卷十目次終

兩浙名賢錄卷之十

東海徐象梅仲和氏謨

當湖陸澹原嗣哲氏閱

獨行

明

共六十三人

鄭好義士利

鄭士利字好義寧海人嘗爲縣諸生其兄士原以薦爲河南懷慶府同知遷湖廣按察司僉事利因告于師去侍其兄游學有名洪武九年天下考校錢穀策書空印

事起凡主印吏及署字有名者皆逮繫御史獄獄凡數
百人士利兄亦以河南時空印繫獄中天子方怒空
印事以爲欺罔行省言臣二十餘輩守令署印者皆欲
置之死佐貳以下榜一百免死爲軍遠方丞相大夫皆
知空印者無他罪可怒莫敢諫士利獨歎曰上不知
以爲空印大罪誠得人言之上聖明寧有不悟懷欲
言之適星變求言士利曰可矣旣而讀詔有假公言私
者罪之久之士利曰吾所欲言者爲天子殺無罪爲可
痛耳吾兄非主印者固當出需吾兄杖出乃言言吾死

不恨其兄免死出土利乃爲書數千言言數事而於空印事最詳其意以爲誠欲深罪空印者恐奸吏得執空印紙爲文移以虐民耳臣以爲文移必完印乃可令考校策書合兩縫印非一印一紙之比縱得之亦不足用况不可得乎且錢穀之數府必合於省省必合於戶部其數誠不可懸斷預決必至戶部而後定省府遠者去戶部六七千里近者三四千里待策書既成而後用印則往來之難非期年不可至故必先用印而後書此權宜之務所從來遠矣何足深罪且國家諸法必明示之

天下而後罪犯法者以其不可而故犯之也自立國以
至于今未嘗有空印之律有司丞相不知其罪今一旦
捕而誅之則何以使受誅者甘心而無詞乎朝廷求賢
士而置之庶位得之甚難位至於郡守者皆數十年所
成就通達廉明之士非如草菅然可刈而復生也 陛
下奈何以不足罪之罪而壞足用之才乎臣竊爲 陛
下痛惜之其書既成欲上者數矣而未決每歸逆旅則
杜門俯首而泣泣數日其兄子侍行者疑而問之曰何
所苦乎士利曰吾有所自苦耳我以觸 天子怒必受

惘然殺我活餘人我更何恨遂持書請丞相府士利短
小容貌如常人見丞相禮頗倨丞相問何書士利曰吾
將爲天子言之丞相何問也丞相因御史大夫入奏
上覽書大怒詔丞相大夫雜問誰教若爲必有主謀者
士利笑曰願吾書可用與否何如耳且吾業旣爲國家
言事自分受禍人誰爲我謀乎筭卒不屈然猶輸作終
身而竟殺宍印者

樵雲王尹成毓

王毓字尹成世居永嘉之華蓋鄉英橋里俱有隱德以

壽考終而俱。單傳至。鍾乃。遷存。卷子。鍾性。孝友。而急行。義。少侍其父。珍。謹甚。恒。韋。講而治。齋。膳。既成。則衣冠而。薦。之間。小失。父意。長跪。謝過。非命之起。不起也。鍾善耕。以其。羨。規爲。子母之急。宛轉。佐。歲。恒不。乏。七子者。環。瑀。瑒。瑛。瑤。瑛。瑤。先後爲。起。甲第。相。第。鍾又好。植。予以。舉。赴人之急。比。隣。火。數十。百家。皆。燼。鍾捐。廩。而。予之。俾。極。力。自取。給。其他。孤。寡。毋。論。疎。戚。以。計。衣。食。鍾若。庫。吏。也。七子之子。二十八。曰。挺。坦。墅。柱。在。壘。墩。境。封。佳。葬。坡。塔。厓。墓。壘。塔。均。壘。堪。陸。墳。壘。增。填。壘。垣。塾。垠。二十八子之。

子九十四而始有以詩書之業起者猶然用子孫顯曰
封右通政鈕南雄教授贈大理少卿某訓導錫九十八
子之子二百六子而益顯曰大理寺丞清左叅議澈國
子祭酒激鴻臚序班良慶鴻臚署丞叔懋按察副使叔
果叔杲僉事贈太僕少卿德光祿署丞叔本三百五十
子之子四百九十而爲鄉進士燾如珪光蘊錦衣千戶
如璧其穎出者且未艾也英橋曰多山其初磊砢不可
道灌莽相屬自鍾爲七第而各以其力自闢數里之內
鱗次櫛比成大都初鍾之既葬父珍也忍不能去廬於

秀。扁曰樵雲。性喜吟。多與其社中人唱和。社中人亦遂呼之曰樵雲公。弁州王世貞爲之傳。

御史余公文郁

余郁字公文。淳安人。洪武初以薦辟。人朝賦天馬詩。稱旨。授陝西道御史。以清謹聞。尋坐事謫。夔門時太史安瀛卒於蜀。葬無定冢。郁結廬其上。守護唯謹。後有鄭樵者。瀛弟子也。爲蜀藩長史。過夔。郁泣而囑之曰。吾爲若師守墓三十餘年。今子來有託矣。啓諸獻王。改卜成都。夔人高其誼。立祠祀之。至今不絕。

梅景和熙

梅熙字景和通經有學行少受業於番陽朱公遷別餘二十年千里聞訃熙至番陽爲服心喪時人義之洪武初舉博學明經撫安永軍民卒於官

殷原善

兄近仁附

殷原善嘉興人與兄近仁友愛無間洪武初近仁舉孝弟知平遙獻所著蒞政戒銘二十四篇授廣西叅政與妻皆卒官所遺三男一女咸幼原善遂不娶撫諸孤如已出親友諷之娶原善泣曰兄嫂不幸皆蚤世遺孤累

景使。我娶而不賢。則諸孤將安託哉。且娶者以爲後也。諸孤當有爲吾後者。娶復何益。終不復娶。撫教婚嫁。皆得其所。鄉邦稱義焉。

海州同知許國器懋

許懋字國器。海寧人。生而不凡。器度豁如。應物酬酢。必依長厚。元季歲歉。發家儲賑。貸復以萬戶。長督海運。抵大都。授杭州路治中。不就。時紅巾賊起。懋倡子弟之義。勇戰却之事。聞復授以前職。懋堅執。雅操終辟。不就。明興求賢。邑以懋應。詔授承事郎。海州同知。在官六載。

以續著。

宋味古

宋味古，會稽之宋家店人也。少讀書，知大義，長而能諫。隱居不仕。當建文遜位時，味古每於夜深疊卓，從星月下，北向以祭。祭畢且痛哭。如是者月餘。爲警家所告，遂逮捕。其子某請代。味古乃得釋。人謂忠臣孝子萃於一門。

劉閱畊均美

婿張璟附

劉均美，號閱畊。世以醫名。均美讀書，通大義，性孝友，異

母弟勝生三歲父病且革。顧均美指勝有所囑而不能言。均美泣曰：大人寬心。他日當如大人意。父肯首。始瞑目。均美爲教養。長有立。娶妻。至生子。盡以父屋產讓勝。而自構屋北郭甘泉里。以居。洪武間。以間右實京師。居織錦坊。仍以醫行。喜居善藥。售不二價。又喜施病而貧者。故四方持重價走均美。而貧者日無筭。而貧無錢走丐者亦無筭。均美旦起視丐先之。而始次第及市者。其言曰：罔俾丐藥。自嫌不來也。均美純喜從。上大夫游。士大夫亦多均美之義。一時知名。若翰林解學士。特爲

善正心堂記楊士奇諸公亦皆有詩歌贈遺郡人許
遊太學貧無以自給均美舍之家叻死爲殯歛歸其棺
以葬暮年術益精活人益多譽益遠壽九十卒子用賓
孝友世其家孫琮性孤潔不妄交接工詩琮子莊鄉貢
進士早亡均美婿張璟天性善淳家富累萬金悉以讓
其兄不留一錢自私父臨歿語之曰爲汝埋黃金首飾
白金三千餘兩土中他日可取爲用也後兄蕩廢悽鬱
不堪璵特告兄埋金處盡奉之一無所取鄉邦稱爲善
人

汪慶衍灌

汪灌字慶衍。婺金華西山里人也。爲人廉直。能急人患。難人有故。叩之卽風雨。寒暑不避也。鄉里大事。官皆倚之以辦。一日念徭役不均。而訟訐滋起也。聚其鄉人謀之。曰。鄉之人非吾父兄則吾屬子弟也。願贖恩圮義而闕於役者。獨憚追胥科繇騷屑之擾焉耳。請率里正一歲所須錢。長短相覆。亡兼費三十萬。吾鄉戶各自實其資。爲三等。定著之。差次於籍。而衆哀金以畀當役者。役之先後視戶籍金之多寡視等則異。時戶有升降則告。

於家而進退之如是則名雖直役者聽事而實皆仰給於衆也公無廢事而私可無敗家尚何憚乎願與父兄商之衆翕然稱善即日立約束無敢違者既又以哀金之難也衆割田百畝爲之約成登其書於縣而各藏其副於家竣於役而返則會衆擊豕醪酒舊里正以田授新里正成禮而退於是一鄉之役訟遂絕行三十年矣太守吳公大善之延灌等及他父老與爲禮而志其鄉以風歲惡饑民羣起爲寇攘以抹死守召灌爲畫欲調兵灌曰無以爲也此直丐升斗抹死耳下片符可致何

俟兵乎。脫兵出，則挺而搏矣。守乃悟，然猶遣巡檢與俱。灌止，巡檢於家飲食之，獨以數十輩持符逮至，莫不畢集。吏覲功，悉論以死。灌詣府伏庭下不起，曰：「是曹東手，隨檄來，未嘗扞法也。今以逆論之，後復無凶歲乎？且灌實召之，灌不忍民聽灌就逮而死也。守感悟，亟解散其獄，特黥者二人而已。其著信如此。」

阿寄

阿寄者，淳安徐氏僕也。徐氏昆弟別產而居，伯得一馬，仲得一牛，季寡婦得阿寄。阿寄年五十餘矣，寡婦泣曰：

馬則乘牛則畊。踉蹌老僕，乃費我菽羹。阿寄歎曰：嘻！主
謂我力不若牛馬耶？迺畫策營生，示可用狀。寡婦悉簪
珥之屬，得銀十二兩，畀寄寄則入山販漆。暮年而三其
息。謂寡婦曰：主無憂，富可立致矣。歷二十年，致產數萬
金。爲寡婦嫁三女，婚兩郎，齋聘皆千金。又延師教兩郎。
既輸粟爲太學生，而寡婦則阜然財雄一邑矣。頃之阿
寄病且死，謂寡婦曰：老奴馬牛之報盡矣。出枕中二楮，
則家計巨細悉均分之。曰：以此遺兩郎，可世守也。言訖
而終。徐氏諡孫或疑寄私蓄者，竊啓其篋，無寸絲粒粟。

之儲焉。一媼一兒。僅敝緼掩體而已。田汝成曰。阿寄事
予。蓋聞之。俞鳴和云。夫臣之於君也。有爵祿之榮。子之
於父也。有骨肉之愛。然垂纓曳綬者。或不諱爲盜臣。五
都之豪。爲父行賈。匿良獻苦。否則德色也。阿寄村鄙之
民。非素聞詩禮之風。心激寵榮之慕也。迺肯畢心殫力。
斃而後已。嗚呼。不可及已。嗚和又曰。阿寄老矣。見徐氏
之族。雖幼。必拜騎而遇。諸途。必控勒將數百武。以爲常。
見主母。不睇視。女使。雖幼。非傳言。不離立也。若然。則婦
神讀書明禮義者。何以加諸。以此奉君親。雖謂之大忠。

純孝可也

王叔豐稔

王稔字叔豐義烏人學士禕之孫國子博士紳之子也自幼潛心勉學博覽羣書受業於方孝儒以文行重於士林及孝儒被刑狼籍人莫敢收稔與鄭恂潛至聚寶門外求其骸骨以歸坐逮繫獄文皇念禕忠特宥之且用稔稔辨疾終其身讀書青巖山下稔與童景庸書言痛念遜志名蹟日就湮沒欲執事與令兄商確搜輯其學行幽潛生卒始末爲家傳行狀以傳同志有愛慕

之心者自能默識而謹藏之矣。徐遂輯方氏遺文爲《歲集後百年始傳。

周彥華子輝

妻俞氏子孟曉附

周子輝字彥華，遂昌之西隅人也。弟子忠永樂初被誣以死罪，連坐妻子。子輝謂其妻俞曰：「吾弟既死，雖有二子尚幼，未能保其必嗣也。若長姪與母俱就死，吾忍吾弟，弗嗣乎？」妻曰：「然則奈何？」盍以吾次子孟曉代之。子輝曰：「是吾意也。」卽召孟曉泣而語之。故孟曉慨然請行。時年纔十四耳。臨刑，顏色不變。人以爲尤難。子輝與妻愛

其二子若已生訓之成立復以已置產業均分子庶幾人義之以爲今之伯道云

翰林檢討秦性初初

秦初字性初山陰人卓有行誼居太學時同舍生以使命出妻死無主初爲之經紀喪事甚周有不安者除後山衛經歷當之任貧無以治裝初解所乘驢資遣之徒步以歸永樂中舉進士官翰林檢討

吉安通判吳源潔渾

吳渾字源潔處之遂昌人也少爲諸生以仁厚稱嘗出

行道上見一人號泣赴水。潭詰其故曰：縣官徵租急，無以償，適鬻產得金，將以輸官，因醉道遺，覺而覓之不待也。夫鬻產以定罰也，失金無輸，則公私益困矣，不死何待？潭力止之，因給曰：拾金者我也，而第隨我歸，舉以授子耳。何死爲？其人收涕謝，遂隨潭歸。潭止之堂上，飲食之急，令人鬻家具如其數，以償失金者，得不死，未幾領比闈鄉薦，授理常德，終吉安通判，所在以治績聞。

陸賢良宗秀

子珪，職諭瑾附。

陸宗秀，平湖人，宋樞密副使旋吉之九世孫也，爲人敦。

樣有至行永樂甲辰應賢良詔徵至京自仁廟新御

極宗秀方巾布袍引見上異其禮貌從容命進宸前

問曰如何則天下太平宗秀叩頭對曰皇帝親賢納

善大臣秉公持正自然太平上悅曰好言語公卿在

列者皆悚然既罷出太學士黃淮以鄉人揖宗秀與語

入問先生何字對曰小民名實字宗秀鄉里謬以字稱

今既上聞謹易字爲名別無字也淮歎曰先生一言

一動皆合禮留京邸數日以疾辭賜寶鈔銀幣還正統

五年歲飢宗秀傾家廩助賑事聞賜勅褒獎表其門曰

尚義子珪字廷玉景泰六年飢疫明年飢益甚珪與弟
璠瑜瑾共出穀五千餘斛以賑有司上其事詔授珪迪
功郎兄弟四人皆賜宴光祿珪以德義著於鄉鄉人有
不平事皆就之取直不至官府邑初建學珪與沈氏共
任之落成令酌酒祝曰願爾兩家世世衣冠弗絕也其
後陸之孫淞沈之孫肆俱發解

錢清舟人丁能

丁能山陰錢清舟人也嘗夜載衆賈至東關詰朝衆散
去遺銀一囊能艤舟候賈還而返之久不至携歸明日

將復往婦阻之曰而終歲往來風波中不遑得致金猶無以糊其口今安坐而得此吾夫婦足以衣食半世此殆天賜也顧安所得遺金者而還之能曰吾寧逃富邪。顧物各有分彼辛苦營之而卒然失去悔且喪身吾何安終往候得金主感謝欲酬以半堅拒不受。

袁仲仁大珍

袁大珍字仲仁金華人也居家以孝友聞從兄大通客死永嘉大珍親走數百里持喪歸葬寡嫂無子如母養之終其身友人張彥修以滇司經歷致仕居家一旦夫

俱爲仇家所殺，盡掠其財。一女銀奴甫生，大珍聞變，往哭之，勸抱其女歸，付妻撫之。如已女，卽具二樽飲其夫婦。合窆之。日夜爲蹤跡，其賊盡獲之，付於法。當是時，大珍之義聲動天地。郡俗民死無葬地者，多焚屍沉其骨於河。大珍憫之，負郭有沃地若干畝，價值五千餘緡，悉捐之爲義冢。復出已帑，架石梁造渡舟，以便行者，民之免於徒涉，大珍力也。大珍爲人，慨慷臨事，重然諾，不苟取與。每讀書，遇古忠義事，輒飲衽久之。且曰：爲士當如是。尤好交納士友，鄉里咸加敬愛。稱義士云。

包侍郎懷德

包懷德蘭谿人。方其爲諸生時，與同邑胡生文善同廩。研書旣而懷德貴，以侍郎在位，而文善亦以進士出身爲主事。居京邸，文善病革，懷德往訣。文善泣語曰：「吾無子，止一女，見託能爲終始乎？」懷德投淚應之曰：「諾。」旣而文善與妻相繼卒，懷德抱其女歸，囑妻育之。如已女。未幾，懷德致政歸，而其女之齒長矣。擇婿，得祝生，將字之。懷德與文善居相去幾二十里，文善雖死，而故居尚存。懷德先事，令人分其室爲三，夫婦引其女，抵文善居。已

處左楹。妻與女處右楹。虛其中。設文善夫妻神位。至日。備祭筵爲文。以聘嫁。告命女拜已。復拜其婦。懷德長。號痛哭。然後行婚禮。遣嫁之。奩具皆備焉。當時稱友誼之篤。不以死生易心者。無不稱包侍郎云。

陸國平平

陸平字國平。世居海鹽。事父母盡孝。事伯父如父。悉讓歸先業。起徒手以財。雄平生好施。處事有斷。里有訟者。爭就質言。出而解。洪熙改元。歲大歉。民食草木。平盡免所貸錢穀。作粥以食老弱。餓者多全活。正統壬戌。至景

太乙亥屢飢前後入粟五千餘石麥八百斛佐有司賑濟詔旌爲義民表其宅入京謝恩賜宴光祿寺授教官先是嘗因事被誣繫獄凡三載連逮者多死平竟得白以躋榮壽人以爲行義之報

教諭戴育之櫨

戴櫨字育之鄞人鞏昌太守浩之子也浩歸自鞏昌先世田廬外無一長物晚值儉攸僅存一小樓櫨市宅郡城迎二親以養旦夕起居辨色怡悅每出入扶掖左右歲時資東修管致甘旨至歿猶孺慕終身語及輒泣下

與庶兄析產舉其優者遷之弟補府掾鬻已田以償所
輸女兒子負官錢逮治峻急力助之護免諸甥家中落
經營周恤逾耄弗替賑窮闕乏雖踈賤恒恐不盡爲博
士弟子員授典化府學訓導以身爲教庶其貧者賑之
士翕然歸心尋陞連城教諭卽自義免就子龍封旣歸
足不跡公府縉紳耆英之會間一趨之里間過從布衣
徒步以一僮自隨至大耄益抑抑畏歛對客必自名卽
家居未嘗中席而坐食不重味衣華綺者輒不御尤好
稱人善而匿其過一日家人被盜遷者庶得之懼惶遽

縱遣且舉所盜物畀之曰吾知若貧毋恐也鄉人驚曰
而浮其直或以爲言。楨曰彼失其業忍與較錙銖乎每
恕已量人非義之獲一毫弗覲也。自少至老無謾語無
情容中心澹然寡於嗜欲。閉樓危坐終日讀書賦詩有
茂軒稿若干卷藏於家。子鼈。己未進士官終潯甸府知
府。鯨。癸未進士仕至福建叅議。鱉。丁丑進士。歷官巡撫
四川都御史。別有傳。鰲。乙未進士。以水部主事治徐州
洪政績章著。而恤災救患尤所孳孳。上會試。一同舟者
得厲疾。諸人各弃去。鰲獨周旋其間。湯藥飲含靡不盡。

力太僕少卿徐侃道徐暴殄出已資爲泊飲事其赴人
之急皆此類也高才早世人共惜之

高叔胥宗浙

吳湖周端附

高宗浙字叔胥山陰人讀書好禮積而能散嘗捐山七
十畝爲義阡給棺以葬貧者里有衣纓之裔盜其牛或
以其人告輒諱而隱之不忍汚其世正統庚申歲大飢
糶傍郡米七百斛歸給鄉人全活甚衆明年飢又出私
糶助公貸後二年又飢亦如之時同邑吳湖周端竝出
粟千石助賑有司上其事詔遣行人謬恂賚勅旌之三

氏子孫至今繁衍昌大爲山陰世家

古直王仁輔佐

王佐字仁輔後去車爲甫台之黃巖人博學工詩漫游
斥師有鄉人坐事者佐候諸官官併捕候者詢其孥甚
急佐甘携掠卒不言所在入刑部獄獨暴立烈日中不
與衆囚伍李主事廷美竒之檢其衣中得柯學士所贈
詩問之曰爾能詩耶使賦日影詩成縱之歸長揖出獄
獄吏皆大笑然佐亦自是得名旅食三十年無僮僕不
置金甌有竹籠五六惟詩畫數百幅中貯壺酒出飲一

再勺已復鋪之以出尤工字學嘗作草書值掾吏至擲筆曰遠敗吾典羣吏欲毆之或俾自爲計佐曰吾固當毆毆則吾名益彰一日遇諸塗竟被毆獨袖手承之以歸亦不屑意也武勸使仕大言曰我果爲爵祿圖邪查科舉乎則答曰安得以少年處我嘗在酒所歎曰此亦功名事業也沈按察仲律嘗值佐詢其邑里名跡不置佐曰不須問大抵奇怪人耳李學士東陽爲作傳稱古直有曰周官稱四民班固表人物列九流魏晉以來中正第九品予雅知古直然不能目其爲何如人也作王

古直傳

聞廷實璋 子元壁附

聞璋字廷實鄞人也。父可信，敦樸善良，與物無競。時稱長者。璋世其德，益寬大坦夷，待人以誠。家素豐於財，人貸輒應，或不營輒不責其償。已而復貸，輒復應之。或嘗其過，則曰：彼誠厄於乏耳。今餓且死，忍勿賑之乎？或以產售，酬之率倍其直。入市買物，必以嘉穀，卽弗嘉，必鼓策，糲精乃已。以甲戶應里役，所隸戶或貧弗及時輸，輒代之。而徐使償焉。卽弗償，弗較也。里有爭訟，求平，率以

誠炊譬曉莫不帖帖去。隣有蒲暹者。故備也。盜其禾。羣
備搜得之。欲詰官。告除盜璋私於子曰。數斛穀。乃足盡
人命耶。遂諭暹而遣之。暹卒感悔。不復盜。居家孝友。恭
儉。內外雍俞。處族衆尤謙。謙執禮尊長。或督過輒長忌。
請罪必得解。乃已。閭里慕之。謂州里篤行君子也。子元
璧。仁孝好施。有父風。然侃侃不阿。濁度而高朗。孤弱者
多倚以爲植。竟不壽。子淵舉進士。仕至太子太保吏部
尚書。自有傳。璋元璧皆累贈如淵官。

劉敬先儼

儼字敬先其先真定人父貞官海鹽學訓遂家於澉川儼博學善詩文有古行娶雙螯終身敬愛如賓家貧授經門人有貧者恒却其贖而周之粟友人沈德常死無所歸儼惟有田三畝鬻以葬之後雖屢空不悔也其詩豪邁與寄不凡嘗賦久雨詩有云百年海內無奇士六月山中尚夾衣其寄儼滌矣遺稿若干卷董從吾灑爲之序而梓之

奉化王汝林

王汝林奉化連山人性剛儼好施凡貧病遇門者接之

不厭遠近慕其名。陸司寇璠時爲邑庠生，貧不自存，往詣林而兩人素昧平生。林時浴於溪，陸以謁告，遽起而入，攝衣延之上坐，盛爲之禮。次日林卽遣人濟陸之家，然不以告也。比留連旬日，陸乃自言其情曰：竊慕公子高義，幸而款我，其如家累何？則出陸家謝啓示之。陸起拜曰：不虞君之恩，亦深矣。辭之歸。明日林乃張盛具饋而送之，凡寒暑之衣畢備，且贈之白金。陸辭勿得，陸貴不相聞者久之。及陸以刑部尚書致仕，還謁郡守李，行見藉諸人於壁，汝林與焉。陸問此壁間之人，善邪，惡邪？

以爲惡則善人在焉以爲善又何善之多邪李曰否此皆積惡吾欲置之死耳陸曰餘人吾弗知若王汝林者豈非奉化人邪李曰然然則公誤矣因備道其善狀而汝林弗之知也蓋於時台有解盜者汝林遇諸塗曰盍搃殺之盜聞而憾之誣爲窩主李卒釋而弗問竟亦不爲謝

尚義仇必顯

仇必顯海寧衛右所人也兄弟四人長武昂仲必達季弟必侃痛父早亡乃同居爰輪掌家政四人者晚或聞

室人言明發必白之無蓄疑以故久無間言人名其堂曰和樂堂必顯嘗往嘉禾至尚胥見李骸橫于路寄聲必達施之棺歸尚未飲乃問之必達必達曰恐人疑之曰吾實憐憫何妨也卽買棺殮之遂謂必達曰自此施五百棺以濟死五百絮襖以濟寒沿塘鑿井五十以濟渴數必五者一爲父母四分之弟兄正統四年夏四月百戶杜忠率衛卒乘戰艦禦倭沈家門遇颶風覆之漂依窮島七日不食乃出粟五十石募漁筏救之得生者七十二人羅拜於門求償其直不許嘉禾李旻作尚義

記以表之

楊允恭欽

楊允恭名欽以字行鄞人也先治舉子業累試不第遂
弃去居家以義烈聞嘗憫鄉人湖田重稅之苦謂產走
京師上書闕下具陳湖民重困逃亡之由援慈谿花嶼
湖田全折之例累疏不下瀕死者數迄不爲止卒得請
行省勘覆議如所奏而督儲使者牽制之詭行而止允
恭復三上其情并論牽制之弊一時姦胥狡吏雖抵於
法而時方多故有司內懷疑懼莫敢先發太守林富力

主其議曰。上不失朝廷。唯正之。供下可以舒湖民偏重之困。上下帖然。無或異議。竟得全折。如花嶼湖例。民困始紓。灌若更生。湖民感林之德。食楊之惠。請於官立祠祀富。而以允恭配食焉。祠名曰懷惠志報也。

刑部主事何瞻

何瞻。鄞人。正統間。與同邑胡純同升國學。純病疫。寢內舍。鄉里姻舊皆避去。無一人問者。瞻晝夜視其僕。餽粥。奠藥七日。而候不應。瞻憂之。解衣與竝枕。抱卧。得汗。瘳。瞻亦無恙。瞻與純後先成進士。純每語人曰。今日以往。

皆何兄所生之年也。其恩與父等。故終身事瞻如事父。

李貴

李貴比直隸金吾衛李得弟也。正統間得死。子勝立甫五歲。調定海衛。貴越數千里。襁負之。而至。人或說之曰。君盍自爲計。萬戶侯非孺子有也。貴輒罵曰。人而獸耶。孺子可死。吾心可死耶。卒保護之。惟謹。及襲爵。輔以政事。且數數戒之曰。君父不可負也。卒用成立。人咸服其義。

劉景儀鳳

劉鳳字景儀先裔大梁曾祖恂仕元爲海鹽路學諭因家鹽之陶涇鳳慷慨好奇略舉丈夫子九人因大啓家塾延名師以教諸子及鄉之俊秀鳳祖墓在城北近海塘每往墓所見海寧衛官將衆軍乘戰船哨沈家門防倭遇颶風率多覆沒者每更番哭聲振地鳳憫之具疏上奏略曰海東遼遠防彼失此枉喪生靈無益請罷之立沿海堡戍便部下其議責居民能保百年無事否鳳乃椎牛釀酒大會里中賢豪曰吾願以一家衆口保設有事請伏辜咸曰諾遂覆奏准罷沈家門之役去船立

堡增戍以防此正統間事也。迄今幾百六十年。歲免生
命數十百人。其陰功何可量也。鳳卒以子泰貴。封御史。
而孫琦與魯元諸孫若木爓皆繼相成進士。稱世家。則
冥冥之中所以報鳳者亦不薄矣。孰謂天道無知耶。

徐蒙六

徐蒙六永康人。正統十四年。括寇掠境。居民多逃竄。城
邑俱遭兵燹。先是縣收鹽課銀數百兩。付蒙六傾銷。未
交官而寇至。蒙六以棺貯埋土中。而逃人無知者。後寇
退。官將重徵於民。蒙六橐其銀以獻。曰銀故在。勿徵也。

官大異之。顧而歎曰：此善人也。其後必昌。子孫果多。尚
盛云。

孝廉張朝貢瑤

張瑤字朝貢，嘉興人。舉鄉薦。性孝友。其妻以疾不悅於
姑姑，命出之。瑤心知其無罪，令歸依母氏。終身不娶。與
兄同孝。養內外無間。言屢上春宮，不第。遂隱居杜門。衣
食不給，恬如也。郡守徐盈高其誼，屢枉過，咨論政事。瑤
未嘗干以私。卒無以歛，盈爲具禮葬之。

夏叔恢

夏叔恢，嵯人。天順初，客越城中，飲於酒肆，時傍坐客被酒，忘其囊去，恢獲囊視之，約五十金，疾追其人，弗及，明日仍俟於其處。失金者號泣而來，遂挈以畀之。觀者莫不歎賞久之。恢夢一老人抱一兒與之，既而得子雷頌，鄉薦。

解元盧中夫楷

盧楷，字中夫，東陽人。自幼英敏。天順壬午，以春秋中浙江鄉試第一。入太學，時祭酒邢讓、陳鑑、司業張業以典簿侵饌錢，抵罪，楷方歷事中書，奮欲採之，或曰：無益，且

得罪奈何。惜曰：師生猶父子也。父既溺，子可懼罪而不號呼以拯之乎？遂率同舍百餘人伏闕上書。卒白三人之枉，公卿間高其義。以方唐之何蕃云。卒年三十四。有才有行而用不完命也。夫所著有可齋集若干卷，藏於家。

陸本深源

陸源字本深，自嘉禾徙居海鹽。家貧，年十二，傭書給養。遂工書，弱冠，贅于劉，亦貧，執爨，前力耕，終勤貿易。遂累貲萬金，腴田千畝，然布衣躡食如貧時。性孝友，父

遺盡謀之兄弟爲諸猶子婚娶如已子成化壬辰大歉
爲粥以食飢者隣婦每伺炊畢相率携幼稚入竈下飽
食懷飯集出弗問繼來亦弗拒遂勅厨中每日多作數
十人食以待來者隣左右數十家遂竟日不舉火過租
佃戶入市貿布綱紀奪其布與之俱來竟遷之責綱紀
曰以布易粟家中必枵腹待食忍奪之耶奸廷納四方
遊士戶屢恒滿卽徘徊數年敬禮無倦容客有持宣公
族譜來者曰素聞宗派請收之曰財非所吝海溢失譜
久矣不敢妄冒說者以比狄武襄晚同劉氏脩鹿門之

壽八十四卒里中嘗食其德者相率爲位而哭之

俞統

俞統永康人成化十九年大水統之室廬妻子悉沒於洪流中栖栖無止孑然一身先是有商人市苧者寓數十金於統家而去及是聞變號哭而來統曰無庸爾爲也家雖破銀幸埋土中尚無恙遂發其藏而還之封識宛然人服其誼

古人趙廷時元銘

趙元銘字廷時天台人少讀書務踐履不事章句孝弟

蝦蟇之行一無可規而尤重內外之別嘗寓武林館人
女恃其姿夜奔之銘卽拂衣起去之家貧而好服乏備
衣食以務施無倦色祖墓茂植松柏爲惡隣砍伐幾盡
或語邑大夫欲繩以法銘以詩謝曰千載白雲長自在
十年之計等浮漚將嫁女買孥詞是良家子卽擇配先
以女奩贈嫁之先後邑大夫重其行皆躬拜其門歎曰
忍難忍事願不願人其羣鳥之鳳羣獸之麟乎哀今有
詩曰茅屋山中老和雲日採薇縣官強一見雲氣尚沾
衣李文正東陽嘗以扇書詩寄曰京國由來不記春採

芝人遠夢應頻。天門拾得青鸞尾。寄與山齋。掃白雲。居
恒手不去書。每夜半。思所讀書中意旨。輒起持書坐。迨
曉。有所得。欣然忘寢食。人以銘行不媿。古人皆以趙古
人稱之。年九十餘。無疾而逝。人或以爲仙云。

夏世康安

夏安字世康。海鹽人。爲人慷慨。負義氣。篤倫理。重然諾。
有祝仲容者。江右人也。隨其父丞海鹽。老而無子。不能
歸。遂依世康。世康爲治田宅。切比其居。聽以子昇。性爲
之婿。無何。仲容死。或謂盍并宅。省所費。不許。無何。而子

并又死。或又以爲言。世康笑曰。仲容所以託吾者。徒以其妻女耳。今身死。婿亡。其妻尚在。亡友之約。吾可背之乎。自是周恤益厚。終其世不變。平生言動不苟。喜怒不形。信義所孚。咸稱長者。非特一里社間也。壽八十卒。

教授周良佐相

周相字良佐。奉化人。淳謹篤實。嘗游學外藩。夜有女奔之。拒不納。詰旦卽辭去。主人初不省其故。已而女有醜聲。始知之。赴省試。有友疫於舟。同行皆弃去。相獨留。謹視之。及不起。出已貲備棺衾。親爲之含。而飲焉。後以貢。

司教茶陵諸生貧乏者輒以俸餘濟之東脩之饋不闕也諸生頌其賢而祠之學宮居家以孝友稱家有地累世爭訟不決至於婚祭不通相以義讓敦睦如初丁內外艱蔬食水飲終其喪敝居不蔽風雨薄田不贍餐粥而周死恤貧開義塾以教族子弟尤人所難云

周舜龍廷澤

子補初祚禔附

周廷澤字舜龍山陰人富而好施每歲飢輒捐粟作糜粥以賑或病死則爲義棺義冢以瘞之鄉人有厚負其租者携其子鬻於市廷澤聞之遂焚其券又嘗捐金爲

錢清石橋工費鉅萬。至今往來者賴之。其後四子。禎。勗。祚。祿。及其孫皓。相繼舉進士。致通顯。人以爲行義之報。祚尤長於文學。有周氏集。爲詞家所稱。

張守度尺

父璣附

張尺字守度。台州人。父璣爲涿州守。潔清死。無以爲。世稱爲廉。張尺少孤。無田廬。族人使爲行者。尺曰。我儒家子。啜水坐。斃足矣。何事外道乎。傭書取直。以糊口。浙藩使秦敬者。涿州遇士也。聞之。招爲掾。弗肯。遣之。金弗受。問所欲。曰。願讀書。延與其子同學。旋卽辭歸。秦亦不

能強也。尺念涿州垂歿，求一綿襖不可得，遂終身不衣。
綿臨老，結數椽以居，復鬻之以鑄父墓碑。平生與物無
求，與人交必有終。年八十有七卒，無嗣。時故人黃縉乞
休居山中，率其姪孫彬彬，生歛之而葬於涿州公墓左。縉
復泣而爲之銘曰：台之山兮秀以錡，台之人兮多介恬。
孰厥考德以賢，嗟先生兮繼貞。庶夜臺寂寞兮，淚以沾。
清風悠兮白雲濚，嗟吁先生兮在茲。嗚呼。

鄭飲賓修

鄭修，括之縉雲人也。喜讀書，甘恬退古心，古行塵視紛。

華至于酬酢當世每事必依長厚家備有匿稻稿下者
或發焉修曰急暑之母令若覺我知也邑侯重其誼欲
見之弊不可及以鄉飲請修曰茲禮也乞言而退一語
不及私

徐望之文彪

子于奎于厚友徐于元廟禮附

徐文彪字望之上虞人抱道積學工詩文正德間舉賢
良文彪以母老弊有司敦趣乃行當是時逆瑾方專恣
而謝文正選以忤瑾請事去文彪至京試吏部用蕭傳
舉顯語瑾覽策以爲文正鄉人怒甚下之獄榜掠幾死

板皮鎮番鎮番樓壞流沙在中國萬里外文彪處之怕
然諸武弁子弟相率來學與之論說不倦居三年理誅
乃赦還初文彪二子子奎子厚聞父難奮以死從兄弟
轉而往屬虜旁塞陷危百端乃達戍所卒被父以歸歸
二十有七年而卒時餘姚徐子元周禮應聘與文彪同
下獄遣戍亦同而文彪所造特深當罹禍時賦詩慷慨
無戚容及歸廬西山益事嘯咏絕不談往昔事復好施
子創義田賑饑恤死鄉人德之所著有貞晦集

夏雷 子日葵附

夏雷秀水人有叔壁客姑蘓餘三十年垂橐而歸病不起爲治殯歛旣辦微知吳人有巧負壁贖者索歸悉昇世母無所私。松爲怨家所構往來居間費數百緡松家至今尸祝之隣有少婦窺雷獨寢擲餘桃以啖之面發赤流汗脫身走晚被旌額賜章服里人以爲榮。子日葵句容令以循良稱。

周繼實夢秀

周夢秀字繼實。廩生也。苦志獨行。以孝友稱。時有例。廩生限年起貢。一生年踰六十。不得貢。次雷及夢秀。夢

秀曰。我猶可待。若不貢。無後期。卒推以讓之。其父別駕。嘗佃實性寺爲宅。旣數十年。增飾堂構。且數百金。夢秀以爲非義。請於父。復捨爲寺。而別僦數椽以居。風雨不蔽。無愠也。卒。鄉人祀之。學官郡守蕭良幹題其阡曰。高士之墓。

給諫周孟登崑

周崑字孟登。崇德人。登嘉靖癸未進士。溫醇簡厚。篤學好古。令玉山。清白自持。聞羊鳴以決疑獄。方伯侯澣作靈羊記以紀之。調進賢。以艱歸。服闋。補新塗。歷刑科都

給事中凡所建白不激不隨罷官盡以遺產讓兄自甘清約人稱爲篤行君子云

陸忠順美

陸美字忠順平湖人幼入邑庠再試不第遂隱居湖上終其身杜門不出爲人醇茂不嗜芬華耿介不隨流俗一言一動具有成壞宗黨數百人皆嚴事之卽顯貴者無事不取裘焉篤於友愛遇凶歲捐資與諸父昆弟易其田而代其賦至豐年則奉以還之弗以吝其寡甚者每計月授之食宗黨里人無不高其行誼者有司兩請

爲鄉飲大賓俱以疾辭邑侯劉士瑗假道過其閭請見
及一接談自以爲相見之晚明日試諸生以過宋見孟
子爲題邑人莫不歎其盛德之足以取重也年近八旬
不卧疾忽具冠服而逝

鎮江通判陶公重廷錦

陶廷錦字公重嘉興人嘉靖壬子舉於鄉孝友天植清
介自持友人坐事遠擯暮夜持數百金投之且示以無
還期立爲封議投婦其後友人事雪舉囊歸封識宛然
族兄禽死無適爲後者戚里欬立其子力辨議割腴田

臣百畝爲食食計亦不受已任理饒州陞判鎮江俱以
直幹稱卒於官

施濟

施濟歸安人居家修雍睦之行設義塾以訓族屬子弟
使就食焉嘗至墓所適有盜砍其塚樹者卽蔽身林野
間俟盜砍完下地乃使人從容召盜語之曰吾不汝追
恐汝墜地此樹皆吾祖宗神靈所依慎勿再爾盜愧謝
棄所砍去濟令家人昇而與之

成義士器

成器字不羈餘姚人喜讀書工詩文好擊劍以義俠自
喜每聞人間有不平事輒瞑目大罵海內有賢豪長者
私心嚮往雖千里若在室中不義之夫卽富貴蕭灼直
視之以爲此臬羊吉了也何得比於人數以故人人
遠之彼亦不喜應就人每日吾眼前不見俗子覺意氣
更遠時中官王振濁亂朝政翰林侍講劉球露章劾之
振怒矯旨下錦衣獄益死之器聞之輒瞑目大罵曰聞
叔之橫至於如此東都黨禍將復見於今日吾恨不得
上方斬馬劍斷此閹奴頭耳乃卽邑中龍泉山頂爲壇

祭。環。祭。畢。以。餞。班。諸。同。志。其。祭。文。歷。述。古。今。權。奸。之。禍。
凡。二。千。餘。言。人。謂。之。祭。忠。文。名。其。地。曰。祭。忠。壇。說。者。謂。
與。宋。謝。翱。祭。文。文。山。於。西。臺。同。一。義。憤。云。

龍江驛丞杜守經常

杜。常。字。守。經。竹。月。隱。公。之。長。子。孝。友。天。至。有。弟。三。人。曰。
昇。曰。晟。曰。昂。悉。推。世。業。與。之。而。獨。肩。養。生。送。死。瑣。鉅。諸。
務。昇。以。游。學。死。於。揚。躬。往。歸。其。喪。曰。於。我。乎。瘞。昂。未。有。
室。曰。於。我。乎。室。女。兄。嬾。而。貪。其。子。捐。弗。振。也。曰。生。於。我。
乎。養。死。於。我。乎。葬。他。如。厚。篋。篋。以。資。從。女。者。三。如。其。女。

捐資以葬人之不能喪者如其喪諸種種義行都若此
初爲奉化功曹同曹掾有患疫癘者衆徒以避常曰夫
固舍中兄弟也而急乃弃之乎躬視湯藥或竟夕不還
其人有妾而弗適也衆頗疑之常每往必與其僕偕明
燭達旦久之人始服其至誠後移役蘭谿晨出於路捨
一青囊中如有金也歸而懸之廨舍往跡其人於亡所
僕有泣而至者曰我里役也掌收都料持五十金輸縣
時天未曙假寐道左會縣官倉卒至前驅避而遺之死
無以償矣常曰收汝泣吾以是待君久矣卽挈而授之

其人以十金爲謝。帝曰：君謂有還金而望取分者耶？拜而去之。楓山章先生，理學名臣也。見帝輒禮之，謂他客曰：此其人，素行合乎聖賢，安敢以掾吏少之已而投廣西龍江驛丞上司，庶其幹，會有以毒藤自殺者，誣怨家殺之。郡守謂怨家實殺之也，而當之死，具獄上憲，司刑移制覆訊，訊乃反而出之。守惡其反也，笞焉。常歎曰：嗟！天乎！辨冤而死，可矣。笞何憾耶？後征蠻事起，臺憲檄之督兵，以此嬰疾，卒於邸舍。聞者皆哭，曰：義士而以客死，邪？無不致疑於天道云。

庖人吳三五

庖人吳三五者，葵之浦陽人也。以屠爲事，善治。庖韓長公爲浦陽令，喜賓客，令置酒，召三五爲具。數當，令意三五時時給事縣中，令察三五馴謹，不譙讓，值令上計，三五從至彭城，黃河水不得渡，度且失期，泗上亭長詒令曰：「旦日第開水渡，令信之，且甚寒，會泗水大至，舟半渡，水合上流水如矢石下擊，破舟，徒屬皆號呼爭脫死，令棄舟走水上，水解，令出沒水中者三，令舍人韓祿下索，令執舍人手，俱不得濟，三五頓足曰：「公死矣，倍公不

祥乃赴令，令兩止。三五毋俱死，三五又溺。一丈夫臨酒，上垂綆，下三人引綆，賴不沒。舍人大呼曰：「我公貴人，活我公者，予百金。」於是船人崔相刺船開，水來出。三五三五謝曰：「臣死且不恨，亟活我公。我公長者也。」崔相出，令載樓船中，次出舍人，次出三五，三五死矣。無何，令活，令仰天哭曰：「嗟乎！三五從予千里游，奈何以予故殺三五哉！」乃傾橐中金治喪具，葬三五彭城西。汪司馬道昆論之曰：「吳三五市井之鄙細人也，方其鼓刀以屠錄錄，未有奇節及事，令不見知。一旦急令之危，顧傾身爲令死。」

筆烈丈夫何加焉。余嘗過浦陽，其俗儼嚴，織音少壯士，令獨能得死，七則自令賢矣。

文學吳子匡元良

吳元良字子匡，錢塘人。弱冠補邑博弟子員，性豪邁，樂施以節俠，自喜善詩文，工書，真行皆獨詣。當其得意，咄咄逼人，不耐治生。客至，顧囊有一錢，亦留飲。酣暢，客有不勝酒力去者，輒曰：俗子復來，敗人意。以故里中酒人無日不過從，吳長公飲者，父歿遺券數十紙，中屬杭人者，計資可千餘緡。元良悉召其人，語曰：吾書生，雅不習

收責事諸君各取券去。多有固卻者。元良勉之曰。無庸
依若。盈時割餘以佐我酒。費不後也。皆感謝去。其外屬
與人者。資略稱是。元良不知其家。持造吳中焚之。語
市人曰。願傳語鄉閭。有負杭吳長公責者。吾已焚券無
煩歸直也。時幸亭徐相公階督學兩浙。獨高元良奇士。
厚禮之。既去。時時寄書問吳長公。無恙。而元良裁謝外。
一不涉干請。亦未嘗以此矜之於人。其操履如此。後感
不平。事長所數聲。汙流不收。遂卒。

趙宗良題

趙禮顯字宗良系出宋魏悼王之後六傳而忠訓公蓋
監潭州使者應驛南渡賜第婆之中與里勝國時宋遣
士若假更徙城北潼塘其自潼塘析居崑山則自環清
晏次德始也顯爲環清六世孫少讀書有大志人資自
監大爲呂洵成南渠公本所賞識每每語人曰此王孫
千里駒也性尤篤孝事兩尊人無違色有疾必躬嘗湯
藥而進之衣帶或緩卽不解事伯兄如事父其處里族
由由如也事有相而無唱人有域而無否望之似木雞
矣父雙泉公膏目顧之而歎曰我家門戶大族駭而屬

見曹雋者如噉人獨狻何駙跪謝曰見何知知忠信
爲敬可行蠻貊而已雙泉公笑而起曰見故當勝我未
幾而南渠入相折簡召駙謂若第就官慮無不如意者
駙笑曰相公故國士我而我乃階相公官乎讀書自若
尋以哭母喪闕乃捐膺太息曰天乎天乎奚以我爲是
拘拘者耶始授例授某州別駕生平鉛繫胥度之高閣
曰吾以付後人故居家庭義方更肅雖舍館弄孫不廢
句讀比總角卽編次徃哲嘉言懿行衍爲詩歌俾之誦
法故子弟卽甚聰無不事之如神明者暇日與俗之昆

弟捐紳結社山中花朝月夕曳杖往還酌酒賦詩修香山洛社之業卒年七十有七騷性好施予人以急告者無不折券相付族叔某孤貧無依騷養之終身死爲制服躬臨葬祭騷既專志下閭不屑屑家人產於先世田廬無所增闢歲入之美半以行義前後所郵賑無筭而其妻盧安人賢更出簪珥以助之人以方之梁鴻孟光云。

兩浙名賢錄卷之十終